



Uunga siunnersuut: Aningaasarsianit akileraarutit pillugit Inatsisartut inatsisaata allangortinnera pillugu Inatsisartut inatsisaat

(Naligiissitaanermut Aningaasaqarnermullu Naalakkersuisoq)

(Siullermeerneqarnera)

Siullertut oqaatigilara transfer pricing akiorniarlugu aammalu Upernaakkut ataatsimiinneq 2022-miit pisortanit ikiorserneqartarneq pillugu Inatsisartut Inatsisaat akuerineqarnerata kingunerisaanik teknikkikkut allanguisariaqarsimanermut Demokraatit ilaliipput.

Kisiannili aningaasarsianit akileraarusiisarneq eqqartorneqartillugu ingerlatseqatigiiffiit atorunnaarsitsinermi iluanaarutisianik akileraarusiisarnermik eqqussiniarneq ilalinngilluinnarparput. Siunnersuut taanna ernumanarluinnarpoq.

Namminersorlutik inuussutissarsiortut suliffeqarfiit ingerlalluartut sumiiffimmini nukiinut ingerlitseqqiinissamut kajumissusaannut annikilleriartitsisussamik siunnersuuteqarneq Demokraatiniit ajornartorsiutigaarput. Suliffeqarfiutillit nunatta avataaneersunik aningaasaateqarluareersunut tunisiinnartalernissaat ernummatissaavoq. Taamatut kinguneqaratarsinnaavoq siunnersuutigineqartut iluanaarutiniik akileraarusiisalernissami ingerlatsitseqatigiiffiit akileraarutaat 25-37 procentiunikup suliffeqarfiup piunermini akileraarutigisimasartagaata qaavatigut maanna 17-19 procentimik akileraarutaat qaffaleramat.

Taamaasilluni tunisisussamut Kalaallit Nunaanni nunaqartumut tunisiniaruni tamakkiisumik akileraarutigineqartalertussa 17-19 procentimik akisunerulissaaq, illuatungaani nunatta avataaneersoq ingerlatseqatigiiffik aningaasaateqarluartoq arlalitsigut toqqaannartumik akigitinneqartoq sukkasuumik akiliisinnaassusilimmut aamma toqqagassaqarluni. Taamaattoqartillugu soorunami tunisisussamut toqqissisimanarnerullunilu ajornannginnerussa 17-19 procentimik aningaasaateqarluartumut tunisineq.

Demokraatit isumaqarput inuiaqatigiit soqutigisarigaat suliffeqarfik nukittoq sumiiffitsinni nunaqartuniit taamaasillunilu inuiaqatigiinni naleqalersitsinnaasumik ingerlatitseqqiisoqaruni pitsaanerpaajusoq. Siunnersuut unaqqissaaq tassunga ajoqqusiissaaq.

Tamanna tunngavigalugu pisariaqarluinnarpoq ataatsimiitsitaliami suliaqartussat, siunnersuut una malitsigisaanik, suliffeqarfiit nunatta avataaneersunit tiguarneqalissanngippata, kinguaariit nikittarnerannut ajornartorsiutigineqarsinnaasoq aqqissallugu qulakkeerneqartariaqarpoq.

Taamatut oqaaseqarluta siunnersuut Aningaasaqarnermut akileraartanermullu ataatsimiitsitaliamut suliareqqinneqarnissaa innersuussutigaarput.